

Na osnovu člana 5. i 29. Zakona o Vladi Tuzlanskog kantona («Službene novine Tuzlanskog kantona», broj: 17/00 i 1/05) Vlada Tuzlanskog kantona, na sjednici održanoj 05.05.2005.godine, donosi:

ODLUKU

o utvrđivanju kriterija, uslova i postupka za raspodjelu sredstava sa potrošačke jedinice 11010003 - manifestacije

I

Ovom Odlukom utvrđuju se kriteriji, uslovi i postupak za raspodjelu planiranih sredstava u Budžetu Tuzlanskog kantona u razdjelu 11, glava 01, sredstava sa potrošačke jedinice 0003 - troškovi manifestacija.

II

Raspodjela sredstava za sufinansiranje programa manifestacija vršit će se u skladu sa raspoloživim sredstvima u Budžetu Tuzlanskog kantona za 2005.godinu (Službene novine Tuzlanskog kantona”, broj 14/04) i Zakonom o izvršenju Budžeta Tuzlanskog kantona za 2005.godinu (Službene novine Tuzlanskog kantona, broj: 14/04).

III

Programi manifestacija bit će sufinansirani ako se odnose na manifestacije:

- koje afirmišu ekonomski i održivi razvoj Tuzlanskog kantona,
- koje uključuju programe međunarodnog učešća i saradnje,
- koje su Sajamskog karaktera koje se realizuju na području Tuzlanskog kantona,
- kojima se obilježavaju značajni datumi (domaći i međunarodni), događaji i ličnosti od značaja za Tuzlanski kanton i FBiH i BiH, i
- drugog karaktera koje su od interesa za Tuzlanski kanton

IV

Podnosilac zahtjeva za sufinansiranje Programa manifestacije koji ispunjava uslove iz tačke III ove Odluke uz zahtjev obavezan je dostaviti:

1. Ovjeren izvještaj o namjenskom utrošku sa računima, ugovorima i drugim dokazima o utrošku sredstava za manifestaciju, za koju je podnosilac zahtjeva dobio finansijska sredstva od Vlade Kantona u prethodnoj fiskalnoj godini,
2. Rješenje o upisu u registar pravnih lica kod nadležnog organa (kopija),
3. Identifikacijski znakovi, identifikacioni broj iz registra poslovnih subjekata, spesimen potpisa (kopija),
4. Finansijski plan predloženog Programa manifestacije, sa potpunom specifikacijom troškova, visinom sredstava, kao i izjava ili dokaz o drugim izvorima finansiranja Programa manifestacije,
5. Specifikaciju troškova Programa manifestacije čiji se iznos odnosi na sredstva traženih po zahtjevu od Vlade Tuzlanskog kantona za tekuću fiskalnu godinu

V

Prednost za dodjelu sredstava imaju Programi manifestacija:

- kojima je Vlada Tuzlanskog kantona pokrovitelj,
- podnosioca zahtjeva kojima je osnivač Skupština Tuzlanskog kantona,
- podnosioca zahtjeva za čiju realizaciju se većina sredstava obezbjeđuje iz drugih izvora finansiranja o čemu podnosilac zahtjeva dostavlja odgovarajući dokaz,

VI

Finansijski se neće podržati Programi manifestacija:

- usmjereni isključivo za ostvarivanje vjerskih ciljeva,
- usmjereni na promociju programa političkih stranaka,
- usmjereni na finansiranje plaća i drugi izdaci u svrhu koristi zaposlenika u pravnom licu,
- koji su na drugi način ostvarili sufinansiranje ili finansiranje iz Budžeta Tuzlanskog kantona,
- kojima se podrazumijeva finansiranje adaptacije, rekonstrukcije, investiciono ulaganje u obnovu objekata, kupovina opreme i slično,
- podnosioca zahtjeva koji nisu dostavili izvještaj o namjenskom utrošku sredstava doznačenih u prethodnoj godini od Vlade Kantona.

VI

Vlada Tuzlanskog kantona će na osnovu prijedloga resornih ministarstava, Ureda Premijera a u skladu sa utvrđenim kriterijima ove Odluke, vršiti raspodjelu sredstava za sufinansiranje Programa manifestacija u tekućoj fiskalnoj godini.

VII

Odluka stupa na snagu danom donošenja, i bit će objavljena u „Službenim novinama Tuzlanskog kantona“.

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

PREMIJER KANTONA

Bajazit Jašarević

Broj:
Tuzla, 05.05.2005.godine